



Broj: 10/E-11-4231/26
Sarajevo, **03-09-2026**.godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj: 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj: 23/04), na prijedlog Komisije za nabavku roba, usluga i radova I, imenovana rješenjem Općinskog načelnika broj: 10-45-149/26 od 06.03.2026.godine, (u daljem tekstu: Komisija I), u postupku javne nabavke radne mašine – rovokopač kombinovani sa pratećom opremom Službi za komunalnu čistoću, (Zapisnik o pregledu i ocjeni ponuda broj: 10/E-11-4231/26 od 28.08.2026.godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača „**TERRA BIH**“ d.o.o.Sarajevo, ulica Binježevo 211,71240 Hadžići, broj: 011/26 od 27.08.2026.godine, za nabavku radne mašine – rovokopač kombinovani sa pratećom opremom Službi za komunalnu čistoću,putem otvorenog postupka, sa cijenom u ukupnom iznosu od **215.150,00 KM bez PDV-a, odnosno 294.255,00 KM sa PDV-om i uračunatim troškovima registracije vozila.**
- II.** Ugovorni organ će sa izabranim ponuđačem zaključiti ugovor, kojim će se regulisati međusobna prava i obaveze u vezi predmetne nabavke, shodno zahtjevima ugovornog organa i zakonskim propisima.
- III.** Ova Odluka se dostavlja ponuđaču koji je učestvovao u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke radne mašine – rovokopač kombinovani sa pratećom opremom Službi za komunalnu čistoću, pokrenut je Odlukom Općinskog načelnika o pokretanju postupka javne nabavke, broj: 10/E-11-4231/26 od 06.07.2026. godine. Predmet nabavke nije podijeljen na LOT-ove.Procijenjena vrijednost javne nabavke bez uračunatog PDV-a iznosi **252.000,00 KM**. Obavještenje o nabavci broj: 848-7-1-1-116-3-170/26 od 13.07.2026.godine

U krajnjem roku za predaju ponuda koji je određenom tenderskom dokumentacijom, na adresu ugovornog organa primljena je 1 (jedna) ponuda:

1. TERRA BIH d.o.o. Sarajevo

U skladu sa članom 63. Zakona o javnim nabavkama (u daljem tekstu: Zakon), Komisija I je u zakazano vrijeme pristupila javnom otvaranju pristigle ponude i nakon što je utvrđena blagovremenost i urednost dostave, pročitana je cijena ponude, kako slijedi:

RB	Ponuđač	Cijena radne mašine bez PDV-a (KM)	Popust (%) / KM	Registracija radne mašine bez PDV-a (KM)	Ukupna vrijednost sa popustom, registracijom i PDV-om (KM)
1.	TERRA BIH d.o.o. Sarajevo	251.150,00	-	350,00	294.255,00

Nakon izvršenog javnog otvaranja ponude, na zatvorenom sastanku Komisija I je pristupila detaljnom pregledu i analizi dokumentacije priložene uz ponudu, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Na osnovu uslova i zahtjeva iz tenderske dokumentacije vezanih za kvalifikaciju ponuđača u dijelu tehničke i profesionalne sposobnosti, Komisija I je jednoglasno konstatovala da ponuda ponuđača „TERRA BIH“ d.o.o. Sarajevo zadovoljava traženo tenderskom dokumentacijom.

Detaljnom računskom provjerom ispravnosti ponude ponuđača „TERRA BIH“ d.o.o. Sarajevo, Komisija I je ustanovila da je ponuda računski ispravna.

Analizom cijene ponude ponuđača „TERRA BIH“ d.o.o. Sarajevo, slijedi:

RB	Ponuđač	Cijena radne mašine bez PDV-a (KM)	Popust (%) / KM	Registracija radne mašine bez PDV-a (KM)	Ukupna vrijednost sa popustom, registracijom i PDV-om (KM)
1.	TERRA BIH d.o.o. Sarajevo,	251.150,00	-	350,00	294.255,00

Tenderskom dokumentacijom predviđeno je provođenje e-aukcije, što je navedeno i u Obavještenju o nabavci broj: 848-7-1-1-116-3-170/26 od 13.07.2026.godine. Uzevši u obzir činjenicu da je primljena samo jedna prihvatljiva ponuda, e-aukcija se nije zakazala shodno članu 4. stav (2) Pravilnika o uslovima i načinu korištenja e-Aukcije („Službeni glasnik BiH“, broj 80/23).

Nakon analize i evaluacije pristigle prihvatljive ponude prema pravilima propisanim Zakonom javnim nabavkama i podzakonskim aktima, primjenom iz tenderske dokumentacije propisanog kriterija za dodjelu ugovora „najniža cijena“, u skladu sa članom 64. stav (1) tačka b) Zakona o javnim nabavkama, Komisija I je izvršila rangiranje ponude kako slijedi:

RANG	Ponuđač	Ukupna cijena radne mašine bez PDV-a sa troškovima registracije iskazanim bez uračunatog PDV-a	Ukupno sa PDV-om i registracijom
1.	TERRA BIH d.o.o. Sarajevo	251.500,00	294.255,00

Shodno svemu naprijed izloženom, Komisija I je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU PONUDE

Ponuđača **„TERRA BIH“ d.o.o. Sarajevo**, ulica Binježevo 211,71240 Hadžići, broj: 011/26 od 27.08.2026.godine, sa cijenom u ukupnom iznosu od **294.255,00 KM sa PDV-om i uračunatim troškovima registracije vozila**, kao najpovoljnije, za nabavku radne mašine – rovokopač kombinovani sa pratećom opremom Službi za komunalnu čistoću.

Općinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije I, te je odlučeno kao u dispozitivu ove Odluke.


Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH“, broj: 39/14, 59/22 i 50/24).

Naknada za pokretanje žalbenog postupka iznosi 5.250,00 KM u skladu sa članom 108. stav (1) tačka d) Zakona o javnim nabavkama. Žalba se podnosi u dovoljnom broju primjeraka, a koji ne može biti manji od 3(tri).

Uplatilac propisane naknade za pokretanje žalbenog postupka ugovornom organu kod kojeg pokreće žalbeni postupak u iznosu propisanim članom 108. ovog zakona, obavezno dostavlja ugovornom organu dokaz o uplati i kopiju bankovnog izvoda računa sa kojeg je izvršeno plaćanje.

Prilog: Zapisnik o pregledu i ocjeni ponuda, broj: 10/E-11-4231/26 od 28.08.2026.godine



Dostaviti:

1. „TERRA BIH“ d.o.o.Sarajevo, Binježevo 211,71240 Hadžići
2. Kabinetu općinskog načelnika – Odsjek za javne nabavke
3. Službi za civilnu zaštitu
4. Službi za finansije
5. U spis